

XIII. ad Fabullum

Cēnābis bene, mī Fabulle, apud mē
paucīs, sī tibi dī favent, diēbus,
sī tēcum attuleris bonam atque magnam
cēnam, nōn sine candidā puellā
et vīnō et sale et omnibus cachinnīs.
haec sī, inquam, attuleris, venustē noster,
cēnābis bene; nam tuī Catullī
plēnus sacculus est arāneārum.
sed contrā accipiēs merōs amōrēs
seu quid suāvius ēlegantiusve est:
nam unguentum dabō, quod meae puellae
dōnārunt Venerēs Cupīdinēsque,
quod tū cum olfaciēs, deōs rogābis,
tōtum ut tē faciant, Fabulle, nāsum.

merus: pūrus (ut inmixtum vīnum)

seu: sīve, vel, aut

dōnō: dō, dare

olfaciō, olfaciere: sentīre nāsō

XIII. ad Fabullum

elision is marked in **yellow**; those letters should **not** be pronounced

Cēnābis bene, mī Fabulle, apud mē
paucīs, sī tibi dī favent, diēbus,
sī tēc**um** attuleris bon**am** atque magnam
cēnam, nōn sine candidā puellā
et vīn**ō** et sal**e** et omnibus cachinnīs.
haec s**ī**, inqu**am**, attuleris, venustē noster,
cēnābis bene; nam tuī Catullī
plēnus sacculus est arāneārum.
sed contr**ā** accipiēs merōs amōrēs
seu quid suāvius ēlegantius**ve** est:
n**am** unguentum dabō, quod meae puellae
dōnārunt Venerēs Cupīdinēsque,
quod tū **cum** olfaciēs, deōs rogābis,
tōt**um** ut tē faciant, Fabulle, nāsum.